

# Ná lig do **strus** airgid d'oidreachas a chur i mbaol

Cuireann an **Ciste Cúnamh do Mhic Léinn** tacaíocht airgid ar fáil do mhic léinn **lán-aimseartha nó páirt-aimseartha** a bhfuil deacrachtaí airgeadais acu agus iad ag freastail ar an gcoláiste.

## CÉN ÚSÁID AR FÉIDIR LIOM A BHAINT AS?

Cuirtear an **Ciste Cúnamh do Mhic Léinn** ar fáil chun cabhair a thabhairt le costais amháil:

Leabhair & ábhair ranga

Cíos agus billí fóntais eile

Bia

Taisteal atá riachtanach

Costais cúraim leanaf

Costais leighis a chlúdach

## CAD IAD NA COSTAIS NACH GCLÚDAÍTEAR?

Níl táillí teagaisc, táillí cláraithe, aisíocaíochtaí iasachtaí mac léinn nó aon chostas a iompraíonn do choláiste clúdaithe faoin **gCiste Cúnamh do Mhic Léinn**.

## CÉ HIAD AR FÉIDIR LEO IARRATAS A DHÉANAMH AIR?

Is féidir le mic léinn atá ag déanamh cúrsa lán-aimseartha nó páirt-aimseartha a bhfuil dámhachtain ardoideachais mar chuspóir aige (Creat Náisiúnta Cáilíochta leibhéal 6-10) in ollscoileanna, institiúidí teicneolaíochta agus coláistí faofa eile in Éirinn iarratas a dhéanamh ar an gCiste seo.

Spreagtar mic léinn pháirtaimseartha atá ina dtuismitheoirí aonair iarratas a dhéanamh mar go bhfuil cistiú breise curtha ar fáil chun tacaíocht a thabhairt don ghrúpa sin. D'fhéadfadh tacaíocht ón **gCiste Cúnamh do Mhic Léinn** a bheith ar fáil freisin do mhic léinn atá ag déanamh Máistreacht Ghairmúil san Oideachas, chun costais amháil socrúcháin scoile a chlúdach.

## CONAS IS FÉIDIR LIOM IARRATAS A DHÉANAMH?

Má tá tú i gcrúachás airgeadais, ba cheart duit teagmháil a dhéanamh leis an oifig seirbhísí rochtana nó le hoifig seirbhísí na mac léinn chun tuilleadh eolais a fháil faoin **gCiste Cúnaimh do Mhic Léinn**. Tá sé tábhachtach go gcuirfeá isteach d'iarratas a luaithe agus is féidir. Tá dáta deiridh i bhfeidhm ag roinnt coláistí agus ba chóir duit a fháil amach cén t-am a bhfuil sé.

## CÉN DOICIMÉID A BHEIDH AG TEASTÁIL UAIM CHUN IARRATAS A DHÉANAMH?

Cuirfidh do choláiste comhairle ort faoi na doiciméid a bheidh ag teastáil uait chun tacú le d'iarratas ar an **gCiste Cúnaimh do Mhic Léinn**. D'fhéadfadh fianaise maidir le d'ioncam féin nó do thuismitheoirí agus admhálacha do chostais amhail an cíós, billí nó cúram leanaí a bheith i gceist, nuair is cuí sin.

## AN NDÉANTAR AN TIARRATAS A MHEAS FAOI RÚN?

Déanann do choláiste d'iarratas ar an **gCiste Cúnaimh do Mhic Léinn** riar go huile agus go hiomlán faoi rún. Tá aon fhaisnéis a thugann tú mar chuid de d'iarratas faoi chosaint ag rialacháin chosanta sonraí do choláiste\*.

## CONAS A DHÉANFAR M'IARRATAS A MHEASÚNÚ?

Breathnóidh do choláiste ar do dhálaí agus acmhainní pearsanta nuair atá siad ag déanamh measúnaithe ar d'iarratas ar an **gCiste Cúnaimh do Mhic Léinn**. D'fhéadfadh coiste beag, ar a mbeadh an t-oifigeach rochtana agus an t-oifigeach leasa mic léinn, an cinneadh deiridh a ghlacadh maidir le d'iarratas.

## CÉ MHÉID AIRGID ATÁ I GCEIST LEIS AN GCISTIÚ?

Braitheann an méid airgid ar thorthaí an phróisis mheasúnaithe a leanann do choláiste.

Féach [www.studentfinance.ie](http://www.studentfinance.ie) chun tuilleadh eolais a fháil

\* Chun riachtanais tuairiscithe agus iniúchta Chiste Sóisialta na hEorpa a chomhlíonadh, seolann na coláistí sonraí faoi na daoine a fhaigheann an Ciste Cúnaimh do Mhic Léinn ar ais chuig an Údarás um Ard-Oideachas.

Tá an Ciste Cúnaimh do Mhic Léinn á bhainistiú ag an Údarás um Ard-Oideachas thar ceann na Roinne Oideachais agus Scileanna. Tá an Ciste Cúnaimh do Mhic Léinn comhchistithe ag Rialtas na hÉireann agus Ciste Sóisialta na hEorpa mar chuid de Chlár um Infhostaitheacht, Cuimsiú agus Foghlaim CSE 2014-2020.